

## Novas de sa chida

15.02.2024

### Uftziu elettorale Comunale



S'aprèsiat is eletziones regionales de su 25 freàrgiu 2024. S'Uftziu Eletorale Comunale at a èssere abertu in is sighentes oràrios pro t'assistire in sa preparatzione a is eletziones:

Lunis: 15.30 – 17.30

Mèrcuris: 15.30 – 17.30

Cenarba: 15.30 – 17.30

Is chi at ispatzadu is tretos de sa tèssera o dd'aeret pèrdida at a pòdere otènnere a lestru sa tèssera noa presentende-si de persone o tràmite delegadu (provididu de dèlega firmada dae su delegadore e de còpia de sa carta de identidade de su delegadore) a s'Uftziu Eletorale in is oràrios subra inditados.

15.02.2024

### Presetatzione dimandas “Vita indipendente”



Sunt medas is benefitzios de su Bandu “Vita Indipendente”finalizadu a s'inclusionu in sa sotziedade de is persones cun disabilitade. Sa punna est de agiuare persones mannas cun diversas iniziatives: s'assuntzione de assistentes personales, is ispesas de afitu, faina de isport e tempus liberu, e cursu de tirotziniu pro s'intrada in su mundu de su traballu. Podes presentare sa dimanda tua si tenes custos recuisitos:

✓  tenes intre is 18 e is 64 annos;

✓ ses residente in is Comunos de s'Àmbitu Territoriale Ogiastra;

✓ tenes un'isentimentu tzertificadu cunforma a s'art. 3 de sa Lege 104/1992 ss. mm. e ii.;

✓ tenes una disabilitade mentale e/o psichica in càrrigu a su Tzentru de Salute Mentale territoriale;

Presenta sa dimanda intro su 1 Martzu 2024.

Is rechedidores podent tènnere su sustennu de s'Uftziu de Pianu Plus Ogiastra, telefonende a su nùmeru: 3489272643

16.02.2024

### Presentada de su libru "La Frana" de Silvana Mulas



Cenarba su 16 de freàrgiu, s'at a tènnere sa presentada de su romanzu "La Fana" de Silvana Mulas acanta s'Universidade de sa Tertza Edade, in Cursu Umberto 36.

S'eventu at a èssere arrichidu dae unu diàlogu interessante cun s'autora, leturas ammajadoras e sa partetzipatzione de su Coro de Arbatassa.

S'intrada est libera.

16.02.2023

### Luisa Sacconte at l'òmpidu 100 annos



Luigia Saccone, una fèmina de fortza e sabiduria istraordinàrias, at l'òmpidu su traguardu meravìgiosu de is 100 annos. Arribbada a Sardigna in su 1946, at bidu e contribuìdu a sa trasformatzione de Tortolì. De sa gestione de s'hotel de famiglia a sa partetzipatzione ativa in sa comunidade, sa vida sua est istada un'esèmpiu de impinnu e amore pro sa terra nostra.

Eris, in occasione de su cumpleannu suo, Luigia at partetzipadu a sa missa in sa crèsia de Sant'Andria. Cando est torrada a domo sua at retzidu sa bìsita de su s'indigu Marcello Ladu, chi dd'at cunsignadu una targa de amentu, s'ìmbulu de s'ìstima e de su respetu chi totu sa tzitate tenet pro issa.

14.02.2024

### Su Videu pro Santu Balentinu in limba sarda



Est istadu publicadu in is canales sotziales istitutzionales su v'ideu abrontau de s'Uffiziu Limba Sarda paris cun su Comunu de Tortolì, sa Nuova Pro Loco Tortolì-Arbatax e su Centru de Agregatzioni Sociali po Santu Balentinu! Foeddus simpris comentis "T'amu, ti stimu o ti bollu beni", si naraus in sardu, tenint prus fortza. Custu filmau piticu, in sa semplicitadi sua, bolit nai una cosa importanti meda: su sardu est una limba de amai e po amai! De amai ca est sa limba de s'identidadi nostra, e po amai ca depit torrai a essi sa limba de s'afetu, de s'intimidadi e de is sentidus. Gràtzias meda a totu is chi ant agiudau in custu traballu! Sighei is fainas de s'Uffiziu Limba Sarda de Tortolì e bonu Santu Balentinu a totus!

Càstia su v'ideu: <https://www.facebook.com/comuneditortoli/videos/921864822871959>